



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand


Augustæ Vindelicorum, 1708

Articulus IV. De Libello supplici.

[urn:nbn:de:hbz:466:1-73001](#)

sufficient, ut hæc editio peti, & concedi debeat, dicemus in seqq. quibus positis:

507. De effectu Libelli agitur in Authent. *Qui semel. C. quomodo, & quando, quæ desumpta est ex Novella 112. c. 3. & sic habet: qui semel actionem proponit, sive conventione judiciatiâ, sive precibus Principi oblati, judicique insinuat, & per eum adversario cognitis: necesse habet usque ad finem litem exercere; Qui, si causam persequi differat, reo postulante, tribus editis citetur per intervalla tringinta dierum, quia vox præconia paucis innotescit. Quæ citatio & per PrincipeM delegatis permititur, quod locum habet, & si lis cæpta non sit. Quod si vocatus litem detrectet: ei aliud anni spatiuM indulgetur, intra quod, si cessat, iudex auditis allegationibus præsentis, & perquisita veritate, pronuntiet. Sed nec intra annum veniens auditur, nisi prius Reo litis expensas, quas sustinuerit, inferrat. His quoque præstitis, si interru-
pro duntaxat anno denovo litem deserit, post trium edictorum, & anni unius spati observationem, ab omni cadat actio-
ne. Nam ex hoc textu sequitur. 1. quod Auctor, post Libellum, per Judicem por-
rectum Reo, cogatur litem prosequi, &
ad finem deducere, si Rei intersit (puta,
si expensas fecit) litem cœptam perfici;
Si vero ejus non intersit, Actorem, etiam
post contestatam litem, posse hanc defe-
rere, ut colligitur ex L. postquam. 4. C. de
pactis, ibi: postquam liti de prædio mota
renuntiasti, causam finitam instaurari
posse nulla ratio permittit. Deinde quod,
si Auctor, cœptâ lite, ut dictum est, se ab-
sentet, ita, ut personaliter conveniri ne-
queat, per tria edita citari, & in contu-
macia constitui possit, prout dicitur
in cit. Authent. qui semel,
in fin.*



ARTICULUS. IV.

De Libello Supplici.

Cum in jure nostro, de quo agimus; 508;
frequens omnino in materia dispensationum per Libellos supplices fieri debet at recursus ad Summum Pontificem, prout in causis matrimonialibus multis exposuimus l. 4. decret. præsertim q. ult. p. 2. de dispensationibus: & liberæ Apostolicæ non expediantur sine supplicatione, necesse est, Libellos ejusmodi ritè formatos esse. Pro his igitur pauca quædam annotanda duximus; & 1. in supplicatione pro gratia dispensationis in Bigamia, not. Nomen, & Cognomen Oratoris necessariò exprimi debere in supplicatione, nec posse illa quacunquè de causa in albo relinqui, seu mutari; alias enim supplicatio non recipere: sicut etiam servatur in oblatione libelli, text. in c. 1. de libell. obl. & in L. 1. ff. de eden. & debere ponи extensè, tam in supplicatione, quam in literis Apostolicis, per Imol. in c. cum accessissent, & ibidem Felinus. vers. *hodie, de confit.* neque ea debere mutari; unde etiam si erretur, ut nomen pro nomine ponatur, rescriptum omnino vitiatur, quod satis docet gloss. in c. significante, V. non de Remensi, & Abb. ibi: numer. 1. de rescript. cùm nomina ipsa adinventa sint, ut homo ab homine discernatur, text. in L. ad cognoscendos, C. de ingen. manumiss. Menoch. conf. 173. num. 5.

Not. 2. de stylo exprimendum esse; quod Orator sit *Laicus*, si talis est, c. Si quis deinceps. 17. q. 7. c. Messana, & c. *Sacrosancta, de elect.* c. *causam, que, de Rescript.* 2. Diœcesum Oratoris; vel si nullius sit, hoc ipsum, additâ provinciâ, in qua est locus originis, vel domicilii ejus. 3. qualitatem, & provenientiam Bigamie v. g. an ex matrimonio cum duabus Virginibus successivè? an tantum cum una vidua? an cum una virgine, & postea cum vidua? an ex pluribus matrimonii? an ex matrimonio cum pluribus viduis? Et quamvis Garcia de beneficiis p. 8. c. 3. n. 79. cum Navarro, de Bigam. consil. 2. & alijs dicat, quod, si quis ter, vel quater,

609;

contraxit nuptias, non esse opus id explicate in Supplicatione: id tamen censem recentiores Curialistæ, esse contra notorium stylum Curiæ, ut vult Pyrrhus Corradus in praxi dispens. Apostol. l. 2. c. 3. a. n. 25; sed hoc videtur solum procedere, quando talis stylus est inconcussus, & specialiter approbatus à Summo Pontifice, ut diximus l. 1. tit. 2. de Constat. Nam Curialistæ non possunt condere legem, cui stare debeant omnes Christi fideles.

§10. In libello, seu supplicatione pro dispensatione cum illegitimis ad Ordines, & Beneficia, notandum, tanto dispensationem esse difficiliorum cum illegitimis, quanto eorum origo est turpior; unde etiam major causa exigitur. Quare ne in eo, quod necessarium est, deficiat libellus supplex, exprimi debet provenientia, v.g. an ex soluto, & conjugata? an ex incestuoso congressu? an ex copula inter cognatos legaliter, vel spiritualiter, aut ex Presbytero &c. de quibus plura Parisius Volum. 2. consil. 9. num. 86. & consil. 15. n. 54. legitimè tamen tacentur illa, quæ solum aggravant vitium parentum, v.g. quod fuerint Nobiles, Principes, &c. Si autem filius Presbyteri, etiam legitimus, peteret immediate succedere parenti suo in eadem Ecclesia, & beneficio, in quo Patet ejus servivit; hoc ipsum in supplicatione exponendum foret, propter specialem prohibitionem in tit. de filiis Presbyterorum.

§11. Advertendum præterea, cum supplicatur pro dispensatione in defectu ætatis, necessariae ad beneficium, pro cuius adepitione supplicatur, faciendam esse mentionem, quod Orator ad horas canonicas ratione beneficii sibi collati, vel conferendi idoneus existat, quando hæc obligatio dicendi horas illi beneficio annexa est; quod non continget, si exinde nullos haberet redditus; aut beneficiatus solum haberet nudum titulum, absque possessione; vel etiam possessionem; sed non pacificam, ut notat Corradus cit. l. 4. c. 2. a. n. 50. Coeterum ad beneficium simplex quoad ætatem dispensatione non eget, qui inchoavit 14. annum, imò nec

minor, si sic cautum sit in fundatione legitimè admissa.

Advertendum. 2. in libello pro dispensatione recipiendi Ordines extra consuetà tempora, coimunitet recipi tanquam causam sufficientem, si quis in narrativa exprimat, se arctatum esse; quamvis etiam id ipsum concedatur aliis, ex causa, quod, cum obtineant beneficium, habens omnis celebrandi, cui quidem per alium deservire possunt; ipsi tamen per se iplos ex sua devotione mallent; id, quod etiam obtinet, si quis alleget ex vero, se jam vel compleuisse, vel saltem existere in trigesimo ætatis anno; & valde probabilius, si jam absolvit studia Theologica, aut in literis Clericali statui valde proficiens graduatus sit, &c. Arctatus porrò dicitur secundum Corradum cit. l. 4. c. 4. n. 13. qui aliquid facere tenetur sub certa pena v.g. suscipere Ordines intra certum tempus; id, quod etiam procedit secundum eundem ibid. n. 14. de illo, qui Sede Episcopali vacante erit præsentandus ad aliquod beneficium, & caret primâ Tonsurâ: quo casu Vicarius Capitularis dabit ei dimissorias ad illam, Vivian. in prax. jurispatron. l. 6. c. 6. n. 55. & §6.

Et hoc casu, juxta mentem Concilii Trid. sess. 7. c. 10. ille dici potest arctatus occasione beneficii recipiendi, qui habet ius, seu est vocatus ad aliquod beneficium vacans, seu Capellaniam, quæ requirit actu certum ordinem, quo ille caret: sicut etiam ille, qui cum non sit ordinatus primâ tonsurâ, est præsentatus ad beneficium, cum bene possit sic præsentari cum conditione, ut infra tempus datum ad præsentandum fiat Clericus; & ita intelligenda declaratio S. Congregationis, quæ sic ait: Vicarius Capituli, sede vacante, infra annum potest concedere dimissorias ad primam tonsuram ei, qui est præsentandus à patronis laicis ad beneficium Ecclesiasticum jurispatronatus ipsorum, ut illud obtinere paleat; Garcia de benefic. p. 5. c. 7. n. 99. & p. 7. c. 1. n. 30. ubi testet declaracionem Concilii. Et dicit. c. 7. n. 102. ait, non dici arctatum occasione beneficii recipiendi eum, cui aliquis vult religiare aliquod beneficium, requirens actu Ordinem, quo ille caret; quia hoc est merè voluntarium. Coeterum

rūm quocunquè modo perat promoveri
Orator ad titulum cuiuscunquè beneficii,
semper intelligitur de beneficio *jam sibi
collato*, & illius possessione adepta: quia
ad titulum beneficii, etiam de proximo
sibi conferendi, quamvis ille habeat pa-
trimonium sufficiens, non dabitur ei hæc
dispensatio de promovendo extra tempora:
nisi aliud visum fuerit Summo Pon-
tifici pro personis, ut supra qualificatus;
hæc Corradus loc. cit.

§14.

Advertendum. 3. cùm quis petit dis-
pensari in pœna suspensionis, quæ infli-
gitur malè promotis, v. g. extra tempora,
vel ante etatem requisitam, aut sine lite-
ris diligitoris sui proprii Episcopi; & ir-
regularitate contracta in sic susceptis mi-
nistrando: exponendam esse malam pro-
motionem, cùm defectu, quo laborat;
2. an ministraverit in ordine sic suscep-
to? idquè propter irregularitatem, quam in-
currit, in qua dispensat solus Pontifex, ni-
si sit *occulta*; quia tunc potest Episcopus
dispensare super illa ex Trid. sess. 24. de
Reform. c. 6. intellige, si malā fide, sciens
defectum, ordinatus sit; non autem si bo-
nā fide; nam ad incurrendas pœnas ma-
lè promotorum requiritur, quod ordinatus dolosè, & in contemptum suscep-
tit ordines prædictos, & in illis ministra-
verit; Abbas in c. *pastoralis*, §. *verum*, n.
5. de *appell.* ubi etiam nota, si Orator, sic
malè promotus obtinuit beneficium, et-
iam curatum, petendam esse a Pâpa no-
vam provisionem in Libello super dispen-
satione.

§15.

Advertend. 4. quæ pertinent ad Libel-
lum, seu supplicationem pro dispensatio-
ne in impedimentis matrimonii, quoad
modum formandi dictum libellum, ple-
raquè à nobis tradi lib. 4. *decret. quest. ult.*
p. 2. à n. 2191. quoniam autem frequen-
ter occurrit, peti dispensationem, causâ
desumptâ *ex angustia loci*, hoc est, quod
sponsus, vel sponsa, non possit habere
sponsam, vel sponsum suæ conditioni æ-
qualem in loco suæ originis, nisi nubat
impedito, vel propter consanguinitatem,
aut affinitatem; aliòve impedimento; &
obindè communiter in gradibus, saltem
remotioribus, dispensatio concedi solet:
Difficultas est, quid requiratur, ut verifi-
cari censeatur illa causa, *angustia loci*?

De hac quest. agit Sanchez l. 8. de matr.
D. 19. n. 12, ubi:

Secunda, inquit, *causa* (dispensandi
scilicet) est, vel quando ob loci angustiam,
vel nimis propagatam fœminæ cognatio-
nem in loco *insigni*, quem inhabitat, non
reperitur matrimonium æquale, præter-
quam cum consanguineis, vel affinibus.
Hujus causæ ea est ratio, quod valde ex-
pediat bono communi matrimonio inter
pares iniri; ut latissimè probat Tiraq. l. 5.
connubiali à n. 1. & ita docent Navar.
Petr. de Led. Manuel, Lud. Lop. Vega, n.
8. Gallego de cogn. spir. c. 22. n. 10. Graf-
fis, Enriquez, apud cit. Sanchez.

Circa hanc autem causam dubitatur, an
ea sit sufficiens, & verificetur, si in locis
circumvicinis reperiatur matrimonium
æquale, & cum illa dote fœminæ, non au-
tem in proprio? Nav. Petr. de Led. Graf-
fis, Lud., Lopez, Vega, num. præced. al-
legati, videntur sentire non esse tunc suf-
ficientem causam, neque eam verifi-
cari: nam addunt causæ huic, quasi eam
limitantes, si mulier non habeat sufficien-
tem dotem ad nubendum extra id Oppi-
dum.

At contrarium significant Gallego, En-
riquez, Manuel, cit. n. 516. cùm, eâ li-
mitatione non adjectâ, doceant absolutè,
esse sufficientem causam, non inveniri ma-
trimonium æquale intra proprium fœmine
Oppidum: & hanc sententiam veram judi-
cat Sanchez cit. n. 13. quia durissimum
est, cogi fœminam extra proprium Oppi-
dum nubere, ut sic Patris, & Matris, &
consanguineorum consortio destituta, a-
cerbam, ac solitariam vitam transfigat. Id-
què Cardinalium Congregatio declaravit
ad instantiam Archiepiscopi Mediolanen-
sis die 18. Novembris, anno 1570. his
verbis: *Clausula illa*, quæ dispensationi-
bus, occasione dotis incompetentiæ, ap-
poni solet, videlicet, quia Virum sibi non
Consanguinem, vel Affinem paris condi-
tionis invenire nequit: *verificatur, & ju-
stificatur per diligentiam duntaxat præ-
stitam in ipso loco mulieris, & non in lo-
cis circumvicinis.*

Ea porro causa, quod propter angusti-
am loci æquale matrimonium, cum non
impedito, haberi non possit, ad sui verifi-
cationem non exigit; ut exactissimè, &
quod

quod vulgo vocant, à punclo crudo, indagendum sit ad verificandam hanc causam, sitne aliquis vir pars in omnibus conditionis, cui fœmina nubere possit? Nam id non est ita strictè accipiendum, sed morali modo. Satis enim est ad verificandam eam causam, communiter non reperi in eo loco viros pares, qui non sint consanguinei vel affines. Quod quidem clare significant Nav. Petr. & Ledesm. Lud. Lopez, Graffis, Vega, allegati, dum hanc causam his verbis explicant: quando major pars sua civitatis, vel loci insignis, quem inhabitat fœmina, sunt ei consanguinei, vel affines intra quartum gradum. Et ratio hujus est, quia cum matrimonia debeant esse libera, & multas conditiones exigant, ut convenientia, & paria judicentur, expedit valde, ne fœmina ad unum, vel alterum conjugium arctetur: sed sint varia, ex quibus ei detur optio; & ita etiam tradit Vincentius de Justis, dispens. matrim. l. 3. c. 3. numer. 14.

§20. Ad quæstionem porrò, ex quibus diadicandum sit matrimonium æquale? respondet Sanchez cit. n. 15. non solum generis, ac divitiarum qualitatem spectandam esse; sed habendam etiam esse rationem, ne dispar sit valde ætas, vel vir ex alio matrimonio filios habeat; vel asper ingenii sit. Hæc enim omnia disparitatem in matrimonii constituit. Et quod fœmina durioris, atque minus tolerabilis ingenii est, eò vir mitioris, ac tolerantioris necessarius illi est, ut bene convenire possit.

§21. Hæc propriis, & formalibus propè verbis ex P. Sanchez loc. cit. referre volui, ut clarius constaret de ipsis mente, quoad verificationem illius causæ ab angustia loci desumptæ, propter casum recenter propositum, ubi Titius & Caia orti ex eodem loco, ex dicta causa in tertio gradu consanguinitatis dispensati, à matrimonio etiam consummato recedere volentes, allegabant nullitatem dispensationis, ex falsitate cause pro ipsis in supplicatione propositæ, ac desumptæ ab angustia loci originis sponsæ, eò, quod tam vir, quam mulier amplæ, & copiosæ dotis cum aliis matrimonium inire potuissent, prout exponebat casus. Ad hoc enim videbatur dicendum, non sufficienter probari ex

Tom. II.

eò causæ falsitatem, quod extra illum locum sponsa potuerit habere virum non impeditum.

Nam esto non sit dubium, irritam esse dispensationem, consequenter matrimonium, si legitimè probetur, quod tunc, quando executioni datum est rescriptum, dicta causa vera non fuerit, ut docet communis; quia ubi falsa, est causa finalis, & motiva, quæ unica exponitur, falsum quoque est, quod illi unicè innititur: at quanquam hoc ita sit, ex eò tamen præcisè, quod mulier habuerit amplam dotem, & potuerit habere matrimonium cum aliis, non probatur falsitas cause, consequenter neque nullitas matrimonii in dato casu; si enim verum est, quod in loco suæ originis non potuerit habere virum æqualem, nisi Titium consanguineum, causa falsa non est, sed vera, licet potuisset habere Virum etiam æqualem, extra locum originis; nam hoc non requiritur ad verificandam causam petitam præcisè ex angustia loci, ut expresse docet Sanchez l. 8. matr. D. 19. n. 13. in fin. Vincent de Justis dispens. matrim. l. 3. c. 3. n. 14. & maximè à n. 23. & expresse Corradus l. 7. dispens. Apostol. l. 7. c. 5. à n. 34. quare judico, id, quod pro falsitate causæ, consequenter nullitate matrimonii in dato casu allegant nominati conjuges, illis nullatenus patrocinari, nisi clare probent, mulierem in ipso loco suæ originis potuisse habere æquale matrimonium cum alio, vel aliis, non impeditis; quid porrò importetur per æquale matrimonium, tradit Sanchez cit. n. 15. & alii, Ut autem verificetur, locum originis esse angustum, prout nunc post Paulum V. adhuc pro sufficienti causa dispensandi recipitur angustia loci, satis est, si non excedat 300. foecularia, seu numerum 300. domorum, ut notat Corradus cit. à n. 41. Vincent de Justis cit. l. 3. c. 3.

à n. 2.

¶ : (o) : ¶



T

QVA-